



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvs I., Stephanvs IV., Adrianvs et Pseudopapa Constantinus miserunt & reges Francorum, Carolvm Martellvm, ...

Gretser, Jacob

[München], 1613

Item exemplar Epistolæ eiusdem Papæ, ad Domnum Carlomannum Regem directæ, in qua continentur gratiarum actiones, & postulabat, vt filium suum, ex fonte sacri Baptismatis suscipere mereretur. XLVIII.

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

*Item exemplar Epistolæ eiusdem Papa, ad
Domnum Carolomannum Regem directæ, in qua continentur
gratiarum actiones, & postulabat, vt filium suum, ex
fonte sacri Baptismatis suscipere me-
reretur.*

XLVIII.

DOMNO excellentissimo filio Carolomanno, ^{Summar.}
Regi Francorum, & Patricio Romanorum, ^{apud Bar.}
Stephanus Papa. Dum tantam piæ conside- ^{et Gent.}
rationis gratiam, atq; efficacem sollertiam creator
noster omnipotens Dominus, vestro mellifluo regali
cordi pro defensione & exaltatione sanctæ suæ Eccle-
siæ infundere dignatus est, præcellentissime fili ac be-
nignissime Rex, idcirco opinatissimi nominis tui præ-
clara memoria, & indita cælitus prudentia in toto or-
be terrarum diuulgata permanet, etiam in cœlestibus
regnis digna operum tuorum refulgent merita. Vnde
beatus es, bone Christianissime Rex, quod quidem
nos conspecta fidei tuæ constantia, quam in Apostoli-
cis causis, & nostri amoris feruore habere dinosceris,
firmi in tua dilectione permanentes sedulo eidem
nostro conditori, pro immensa vestra lætitia, & à Deo
instituti regni vestri stabilitate, preces fundere nequa-
quam desistimus.

Interea coniungentes ad nos Beraldus, reliigio-
sus Abbas, & Audbertus, vir inluster, detulerunt no-
bis honorandas, nimisq; desiderabiles syllabas à Deo
protectæ excellentiæ vestræ, quas cum magno honoris
affectu suscipientes atq; relegentes, quæ in eis fereban-
tur, omnino agnouimus; sed & ipsi vestri fidelissimi
Missi,

Missi, ea, quæ à vestra à Deo protecta Excellentia iniuncta habuerunt, nobis subtilius retulerunt. De quibus, sicut vestris fidelibus, ad singula eis respõsum reddidimus, vestro à Deo inspirato culminiliquido enarrandum.

At verò, quia amoris vestri feruor in nostris firmiter viget præcordiis, magna nobis desiderij ambitio insistit, præcellentissime Regum, vt Spiritus sancti gratia scilicet compaternitatis affectio, inter nos adueniat; pro quo obnixè quæsumus Christianitatem tuam, à Deo institute bone rex, Excellentissimeq; fili, vt de præclaro ac regali vestro germine, quod vobis Dominus pro exaltatione sanctæ suæ Ecclesiæ largiri dignatus est, in nostris vlnis ex fonte sacri baptismatis, aut etiam per adorandi chrisomatis vnctionem spiritalem suscipere valeamus filium, vt eadem, Deo prosperante, compaternitatis gratia in medio nostrum, corroborata, magna læticia, ex hoc tam nos, quamque vniuersus noster populus pariter releuati, exultare valeamus in Domino.

Deus autem omnipotens per quem reges regnāt, & principes imperant, sua vos protegat gratia, & victoriam vobis de cœlo, pro suæ sanctæ Ecclesiæ defensione, tribuat, atq; longeuos & sospites in solio regni pariter cum Excellentissima & Christianissima filia nostra, Regina, dulcissima vestra coniuge, & amantissimis natis conseruare, & cœlestis regni æterna gaudia concedere dignetur possidenda. Incolumem
Excellentiam vestram gratia superna
custodiat.

Item